

SAN PABLO CARTA TITO JÏI

Pablo' Tito's fi'jni

1 ¹ Andya' Dyusna selpisáa Pablo yaasetj, Jesucristo jycaajnisá. Tyáasa Jesucristo tashte nuypa'jwa'jsatj Dyus tyjitynisá ústyna tyáawe'shtyi, cyaj tyáawe'shva Dyus yuwe isasa's jiyutyna, ² bagachte yujva ptsumée ïtyi fi'nzewa'ja's ji'pjuya' sújna. Tyáa ptsumée ïtyi fi'nzewa'ja's Dyusa' peesya' neeyūuc Dyus ishiamée naa quiwe meetey. ³ Tyáasac tyáa ptsumée ïtyi fi'nzewa'ja's en äjte', caajiyu'lj cue'shtyi nwe'wesa Dyusa' andyna pta'shwa'jsa nvijtrra. ⁴ Naa carta's fi'jatstju Tito andy nchi'c na'wésang naa pa'ga. Tyáasa e'nzsay tyáa na'wérrarráa Dyusa's jiisatja'w. Dyus cue'sh Tata vite' cue'shtyi nwe'wesa Jesucristo tyáawe'sh peeygájrra pu'chte', indya' ewrráa wēt fi'nzene'nga.

Creta quiwete Tito mjïini

⁵ Mar pyäjte Creta quiwete indya's nvijttju andy ma'wē neewe'weni's cytey yuucajn. Tyáa pa'gang indya' cytee yuwe puuty we'wena jyā'jnimée neeyūuc tyāaty pjeu'jna jyā'jrra chjamb iisa dyuus yatte jycaajwa'jsa ancianowe'sh pacuerra qui'pna yuuwa'jsa neeyūu. ⁶ Anciano neeyūuwa'jsa' wala ew fi'nzesa yuutyna jypumbate yu'cypejni yuuya'mée. Sa' peecy nyuu yacjrráa fi'nzesa yuuwa'ja'. Atsa' tyáawe'sh luucha' Dyusa's nwēese'jsa yuuwa'ja', tyā'wē Dyusa's nwēese'jmée ewmeety yūuna fi'nze' jïni yuuya'mée. ⁷ Dyuus yatte jycaajwa'ja's jypa'gasa' Dyus mjïia's tjengwa'jsata', tyáa pa'ga wala ew fi'nzewa'lj ji'pjita'. Vitety ūuscha we'wena juuna' tjengna fi'nzewa'jme'. Tūuna, puii jypacuena, vyuurrá's yajcyrra mjïiwa'jme'. ⁸ Tyā'wē yūumée, ew yūuwa'jrrá's yajcyna fi'nzewa'ja', pa'jsaty yat pqui'jna, ew ūus yajcyrra we'wesa, Dyus dyi'pte ew fi'nzesa, Dyus yuurrá's selpisáa, ma'wē fi'nzewa'ja'sva peequíi wala jypa'yacywa'ja'. ⁹ Dyus yuwe isasa pta'shni yuuc tyáate yuurráa tyutemée fi'nzewa'ja', vite jypumbasaty ewsa's caapiya'jna cchjāachja'jya', sa' Dyus yuwe isasa's atsewe'wesatyva ew caajiyu'jya'.

¹⁰Tyã'wëme!, Dyusa's atsesa seena' wala ũsta', selpimeesarrá's we'wena nasaty caypumba'ljna. Nava judiwe'sh wejy tjaacue tyã'wë yũuna ũsta'.

¹¹Tyãawe'sh ũshiini yuwe's jyucate cwe'we'jmée yuumeete!, yat iisa jyuca caypumba'ljna ũsta' ewmeesarrá's caapiya'ljna vyuu cnaywa'jrrá's yajcyrra.

¹²Tyajíic teeche wala jytujtjesa cyteewe'sh tyajy nwe'shíirráaty na'ljna we'we: Cretawe'sha' wala ũshijta', weesweesata', watycuë nũ'sarráata' jínac fi'lj. ¹³Tyã' isa yuj we'wec. Tyãa pa'ga tyãawe'shtyi! juuna' mwe'we, cyaj Dyus yacj jypumbamée jweefírráa chjächjana u'jrra, ¹⁴judiwe'sh ishiina cuentu'jni's nwëese'ljmeetyna, sa' Dyus tashuj tyuteerra fi'nzesa jycaajnytyva nwëese'ljmeetyna.

¹⁵Maava ũuste ewsa's ji'pjsa', ew yaacywa'lj yuurrá'scu ji'pju!. Nava maava ũuste ewsa's ji'pjmeesa', ewmeesa yuurrá'scu yajcyna fi'nze!, tyãa pa'gatey tyãawe'sh ũus yuu jyuca ewmeena naa pa'ga. ¹⁶Dyusa's jii'tja'w ji'ty, nava Dyusa's jiisa na'wë yu' fi'nze'tsmeeta!, naasáa seena' canzhsarráata!, Dyusna ajtsena quíjva ewsa yu'sa' caavya'ja'ljya' äjasameeta!.

Dyus yuwe ma'wë jycaatje' tyã'srráana caapiya'ljwa'ja'

2 ¹Nava indya' Dyus yuwe ma'wë jycaatje!, tyã'wëyrráa caapiya'ljna mes. ²Tyã'wëme' pitstjê'j tjê'jsawe'sha' quíjteva jyuca jypa'yacy fi'nzewa'ja's piyawa'lj ji'pja!, quíjsuva cytey yuuna, ũus yajcyrra jypa'yacy we'wena, Dyus yuurrá's ũusuj jyuca yajcyna, peeygáawa'ja's pechcanamée, macue tjêysa pa'tjeva tyáaty! nũsmée fi'nzena tyã'wë piyawa'lj ji'pja!. ³Tyã'wëy u'y tjê'jsawe'shva peequí wala jypa'yacy zhichcue fi'nzewa'lj ji'pja!. Isameesarrá's wëse'jrra nuywe'wena fi'nzemée, tũunava fi'nzewa'jsameeta!, ewsarrá's caapiya'ljna fi'nzewa'jsata!. ⁴Cyaj cna'sa u'se iimi'sava tyãawe'sh nmi'ty peeygájna fi'nzeya' piyaatyna, tyã'wëy peecy luuchtyi peeygájna, ⁵peequí wala jypa'yacy quíjteva jyuca ewrráa fi'nzena, tyã'wëy yatteva jypa'yacy fi'nzena peecy nmi'ty nwëese'ljna, cyaj quim yujva Dyus yuwe's atsewe'wemeetyna.

⁶Tyã'wëy pitstacywe'shtyiva myu'cypej ew zhichcue fi'nzeczajn. ⁷Sa' quíjteva jyuca indya' ew mfi'nze, cyaj tyãawe'shva iindy fi'nzeni's uyrra!, tyã'wëy yũucajn. Caapiya'ljni'sva le'chcue yujva fiymée jyuca isasa yuurrá's mpeeta'sh. ⁸Ew yuurráa yu'cypejna mfi'nze, cyaj quim yujva i'cue'shtyi atsesa ewmée nuywe'wewa'ja's uymeerra!, tjaameetyna.

⁹Selpisaatyva myu'cypej, tyãawe'sh patron jycaajnyty quíjteva jyuca nwëese'ljna wa'lna ũuscha pasmée ewrráa yuucajn, ¹⁰quíj yujnava pesweemée ew yuurráa fi'nzeczajn, cyaj tyãawe'sh ew fi'nzeni's uyrra!, nwe'wesa Dyus yuwe' wala zhichcuesa yu'ga jínarráa we'wetyna.

¹¹Dyusa' tyajy peeygáani's caavya'ja'cj tyã' maatyva jyuca ewte nviitwa'jsa!. ¹²Dyus peeygáani' ewmeesa's nvijtna naa quiwete pcalte fi'nzewa'jrrá's yaacyni'sva nvijtrra, peequí wala jypa'yacy fi'nzena Dyus

yacj tyutemée tyā's yuurraa selpiina fi'nzewa'ja'scu jycaaja'. ¹³Tyā'wēy Dyus peeygāani' cue'shtyi nwe'wesa Dyus Jesucristo jytujtjesa quījya' neeyūuc tyāa en ājpcach wechana ūytjasna ūswa'ja'scu jycaaja'. ¹⁴Tyāa Jesucristo' quīj ewmeejūva cue'shtyi nwe'werra jyuca pcaltyi yaaterra jyucate tyāa jii vit-ya' cue'sh pa'gate uuc. Ewsa yuurra's jyuca cytey yuu jytjāasrrac tyā'wē yūu.

¹⁵Tyā'wē yūuwa'ja's caapiya'jwa'j ji'pjngu, quīj yūuwa'ja'sva ūucjmée chhjáachja'jna, ewmée yūucajmén yu'cypejna. Indya's quim yujva ajtsena weechwa'j ji'pjmeeta'.

Dyus yacj fi'nzesawe'sha' cjuēswe'shtyi nwēese'jwa'j ji'pjta'

3 ¹Yacjtjē'jwe'shtyi qui' mcaayaqui'j maava jycaajsawe'shtyi nwēese'jna, cjuēswe'shtyiwa jyuca nwēese'jna quījva ew yūuwa'j yu'sa' jyuca cytey yuucajn. ²Quim yujtyva atsewe'wewa'j ji'pjmeeta', puui jypacuena fi'nzewa'jsameeta' wejyva ūusuj jyuca ewrrāa yaacywa'ja's ji'pjuwa'jsata' nasa jyucaysaty peeygājna.

³Nyafia' cue'shva Dyusa's jiimeerra' nwēese'jsamée jypumbana naa quiwete ewmeesarrā's pa'pchuna puuty ewmeerrāa yajcyna puuty yajtsenarrāa fi'nzesatja'w yu', seena' canzhsa. ⁴Nava cue'shtyi nwe'wesa Dyus peeygāani nasa jyucaysa jii vyaarra', cue'shtyi nwe'wec. ⁵Nava cue'sh cacueju ew yūuna fi'nzepa'ga tyā'wē yūume', naasāa peeygājrra yuurraac tyā'wē nwe'we cue'sh ūuste pcaltyi yaatena. Tyāa pa'gac Dyus Espiritu' cue'shtyi yu'ptjejrna quīj pcal yujva ji'pjmeē caafi'nze'je'. ⁶Nava tyā'wē nwe'wesa Jesucristopa'ga yuurraac Dyusa' tyajy Espiritu's jyuca ūs cue'shtyi, ⁷cyaj Dyus dyi'pte yuuwemeesa yuuna pa'jrra ptsumée ūtyi fi'nzewa'ja's jypa'gacajncu tyā'wē peeygājrra nwe'we.

⁸Na'wē pta'shtju tyā' isa yuja', tyāa pa'ga indya' tyāaty' caayaqui'jna nes myuu, cyaj Dyusa's ūuste jypa'gasa' ewrrāa yūuna fi'nzetyna. Tyā'wē ew yūuna fi'nzenisa' wala seelpisa' jyucaysaty. ⁹Nava puuty we'weni seelpimeesaty's mpa'yajcy, tyāniiteywe'sh quimrraj ne'ta yu' sa' quījrraj ne'ta yuusāa yu' tyāarrāaty jiyu wēena fi'nzenity, vite' Moises leysu we'werra puuty puui wēenity, vite' puui jypacuena fi'nzenity. Tyā'wēsa' quījte yujva seelpimeesata'.

¹⁰I'cue'sh pcjaacjenitewe'sh maafia' isameesarrā's caapiya'jna caypumba'jwa'jsa casejevāana atsa' tyā'sa' pa'yarra myu'cypej e'nz uspcach. Nava e'nz us we'weteva nwēese'jmeete', pcjaacjenijū cuty'jrra peena yu' caapa'ja'jnu. ¹¹Tyā'wēme' nasa tyā'wē yūusa' bagachteva pcalte yuurraa fi'nzewa'jsarra tyā'wē yuuna.

Tito's we'weni quīj yūuwa'ja'sva

¹²Artemas meerra' Tíquico tyāawe'shtyi iindy tashna andy cajatspcachja', indya' dund yuweene'nga Nicopoliste andy yacj puuty

uyya', nus en scjēwpcach cytee ūsu'nja sūju'tj. ¹³Iindy ājani yu'sa' quijteva jyuca mpu'ch yuwee pu'chsa Zenas vite' Apolos tyāawe'sh dyi'tje peejini's, cyaj quījva peejimée dyi'tje u'juetyna. ¹⁴Atsa' iindy tyā'wē yūuni's uyrra', cue'sh yacjtjē'jwe'shva selpiiya' piyaatyna ew yūuna peejinisu pu'chya'.

Pablo yuwe wecha caajni

¹⁵Andy yacj ūssa jyucaysa yuwe wecha caja'ty. Atsa' indyva yuwe meen wecha cue'sh namicuwe'sh Dyus yacj jypumbamée fi'nzesaty. Dyusa' i'cue'sh jyucaysaty pu'chjina.